

儀禮經傳通解

二十七









儀禮經傳通解卷第二十三

公食大夫禮第三十九 邦國禮四之上

食音嗣。鄭目錄曰：主國君以禮食小聘大夫之禮。○疏曰：鄭知是小聘大夫者，案下文云：宰夫自東房薦豆六於醬，東設黍稷六簋，又設庶羞十六豆。此等皆是下大夫小聘之禮。下乃別云：上大夫八豆八簋，又云上大夫庶羞二十豆。是食上大夫之法。故知此篇據小聘大夫也。若然，聘禮據侯伯之大聘，此篇據小聘大夫者，周公設經互見為義。案篇末云：魚腸胃。

儀禮卷二十三

一

倫膚若九，若十有一，下一大夫則若七，若九。鄭注云：此以命數為差。九謂再命者，十一謂三命者，七謂一命者，九或上或下者，再命謂小國之卿，次國之大夫也。卿則曰上大夫，則曰下大夫。國之孤視子男，以此言之，魚腸胃倫膚皆七者，謂子男小聘之大夫。此公食序在聘禮之下，是因聘而食之，不言食賓與上介。直云大夫者，若云食賓與上介，則小聘使下大夫上介，乃是士。是以直云大夫兼得大夫聘賓與上介，亦兼小聘之賓。若然，聘禮據大聘，因見小聘，後言大聘者，欲見大聘小聘，或先或後，不常之義。





經九

注曰公食於五禮屬嘉禮  
大戴第十五小戴第十六

別錄  
第九

公食大夫之禮。○使大夫戒，各以其爵。

戒猶告也。告之必使同班。敵者易以相親敬。○易以豉反。○疏曰：此篇雖據子

男大夫為正，兼見五等諸侯。大上介出聘，使卿之事。故云各以其爵也。

請入告。問所以為來事。○為于偽反。下大夫至賓館之門外，賓使上三辭。三息

介出請大夫所為來之事。

儀禮卷二十三

二

又如字。○為既先受賜，不敢當。○疏曰：聘日已受饗，餼大禮，故今辭食不敢當。

之受饗之時，禮辭而已。賓出拜辱者，屈至於饗食，皆當三辭。

辱來。大夫不答拜，將命也。不答拜為人使迎已。

賓再拜稽首，受命。大夫還，復於賓，不拜送。

遂從之。不拜送者為從之，不終事。○疏曰：案鄉飲酒，主人拜送，賓不答

拜云禮有終，此賓不拜送為從之，不終事。若然，鄉飲酒，鄉射戒賓，遂從之，而云

得拜辱拜送者，以其主人先反，不相隨，故



氏再拜遂從之使者既不先  
反猶拜送者尊天子使故也  
賓朝服即  
位于大門外如聘於是朝服則初時玄端如聘亦入于次俟  
○疏曰云如聘者則賓主設擯介以相  
待如聘時也云於是朝服則初時玄端  
者謂賓初在館拜所戒大夫即玄端賓  
遂從至君大門外入次乃去玄端著朝  
服出次即位不若聘禮重賓發館即皮  
弁也云亦入于次俟者亦如聘時俟主  
人辦也

右戒賓賓從○記不宿戒食禮輕也此所以不

宿戒者謂前期三日之戒申戒為宿  
謂前期一日○疏曰大射前期三日  
宰夫戒宰及司馬又少牢辟人君有  
前期一日之宿此雖人君禮以食禮  
輕與鄉飲酒鄉射禮同當日為之故  
皆不言日數下注云食賓之朝夙興  
戒之賓則從戒而戒不速夙興戒之朝  
來不復召是也  
賓則從戒者賓之乘車在大門外西  
而來不復召  
方北面立賓車不入門廣敬也凡賓  
即朝中道而往將至下行  
而後車還立于西方賓及位而止北  
面卿大夫之位當車前凡朝位賓主之



間各以命數為遠近之節也。○疏曰：云凡賓即朝中道而往者，內則云男子由右，女子由左，車從中央，故賓乘車中道。云車還立于西方者，少儀云：僕於君子始乘則式，君子下行然後還立。注云：還車而立，以俟其去，是還立於西方。鄉外云：賓及位而止，北面者，王藻云：賓立不當門，彼亦謂聘使也。云卿大夫之位當車前者，大行人云：上公立當軹，侯伯立當前疾，子男立當衡。又云：大國之孤朝位當車前者，則卿大夫立亦與孤同一節。兼云：大夫者，小聘曰問，使下大夫立與孤卿同當車前，故連言也。云凡朝位賓

主之間各以命數為遠近之節者，大行人云：上公朝位，賓主之間九十步；侯伯七十步，子男五十步。注云：朝位謂大門外，賓下車及主車出迎所立處。又云：凡諸侯之卿，其禮各下其君二等，以下及大夫士皆如之。是臣亦各依其君命數而降之。故艷忽以命數言之也。

**即位具**，主人也。擯者俟君於大門外，卿大夫士序及宰夫具其饌物，皆於廟門之外。○疏曰：君迎賓入，始言卿大夫以下廟內之位，則知此具饌物時皆在廟門外也。故下注云：自卿大夫至此，不先即位，從君而入者，明助君饗食。



賓自無事故不在。羹定。定多倭反。○肉

大門內是其義也。謂之羹定猶熟也。著之者下以為節。○疏。甸人陳鼎七

曰與下文陳鼎之節為目。甸人陳鼎七。當門南面西上。設扃冪冪若東若編。編

綿反。○七鼎一大牢也。甸人冢宰之屬。兼亨人者南面西上。以其為賓統於外

也。扃冪冪所以舉之者也。凡冪冪蓋以茅為之。長則束本。短則編其中央。今文

扃作鉉。古文冪皆作密。○疏曰聘禮致殮與饗餼皆九鼎。此亦一大牢而七鼎

者。此食禮輕。無鮮魚鮮腊。與聘禮腥一牢。鼎七同也。天官有甸師氏兼自亨人。

儀禮卷二十三

五

皆屬冢宰。亨人職云。掌其鼎鑊。甸師職云。掌帥其徒以薪蒸。役外內饗之事。諸

侯比。天子不備官。故使甸人兼亨人。陳鼎也。冪冪諸文皆不言所用之物。此經

雖言若束若編。亦不指所用之體。鄭以茅是潔白之物。故擬用之。而云蓋也。

設洗如饗。者必如饗者先饗後食。如其近阼階東南。古小臣具槃匜在東堂下。以

文饗或作鄉。小臣具槃匜在東堂下。以支反。○為公盥也。公尊不就洗。小臣於

小賓客饗食。掌正君服位。○疏曰。夏官小臣職云。小祭祀賓客饗食。如大僕之

法。此諸侯之聘客饗食。故亦小臣掌之。



也。宰夫設筵加席几。而設筵於戶西南面。

授几者，親設清醬，可以畧此。○疏曰：云

設筵于戶西南面，而左几者，以其賓在

戶牖之間，南面又生人左几，異於神右

几，故也。云：公不賓至，授几者，親設清醬

者，以畧此者，決聘禮禮賓時，公親授几

授几，鄭云：無尊，主於食。飲酒漿飲，俟于

異於醴也。東房，飲酒清酒也。漿飲，載漿也。其俟奠

之酒也。漿飲，先言漿，別於六飲，明非獻酬

曰：云：飲酒清酒也者，按周禮酒正注：先

鄭云：清酒祭祀之酒，後鄭從之，則此賓

客用之者，優賓故也。云：漿飲，載漿也者，

載之言載，以其汁滓相載，故云：載。漢法

有此名，故也。云：奠于豐上者，下云：飲

酒實於解，加于豐是也。此云：奠，即彼加

也。云：飲酒，先言飲，明非獻酬之酒也者，

以其鄉飲酒，燕禮等獻酬之酒，皆不言

飲，飲之可知。此擬酌口，故言飲，是異於

獻酬酒，故也。云：漿飲，先言漿，別於六飲

也者，按漿人云：共王六飲，水漿醴涼醫

醢，彼先云：六飲，後云：水漿，與此先云：漿

不同，故云：先云：漿，別于六飲，必別于六

飲者，彼六飲為渴而飲，凡宰夫之具饌

此漿為酌口，故異之。



于東房也。凡非一也。飲食之具。宰夫所掌。嫌在堂。○疏曰。以其酒漿常在堂。若不持言之。則凡中不舍之。言謂酒漿仍在堂。故上持言之。

右陳器饌。○記不授几。異于醴也。○疏曰。決禮賓。

時公親授几也。無柝席。公不亨于門外東方。必於門外者。大夫之事也。東方者主

陽。○疏曰。按上經。甸人。亨人之等。亨人是士官。不得言大夫之事。言大夫之事者。解亨在門外之禮也。燕禮注

儀禮卷二十三

七

云。亨於門外。臣所掌也。言臣亦是大夫事。少牢。廩饗。饗饗皆在門外。亦大夫事。特牲云。主婦視饔饗于西堂下者。以其無廩人主之。故在內。若然。鄉飲酒。雖是大夫之事。以其取司宮具。祖陽氣之始。故亦於門內。

凡與蒲筵常緇布純。加萑席。尋玄帛。

純皆卷自末。司宮。太宰之屬。掌宮廟

日尋純綠也。萑。細葦也。末。經所終。有以識之。必長筵者。以有左右饌也。今文。萑皆為莞。○疏曰。燕禮注。司宮。天子曰小宰。與此不同。其義則一。蓋彼

按注必長筵者。句解經所以用常尋之席之意也。



是設尊故以小宰解之此設几席故以太宰之屬解之按太宰之下有宮人掌宮中除汙穢之事即此司宮彼不言設几席者以天子具官別有司几筵又有小宰諸侯兼官故司宮兼司几筵及小宰也云丈六尺曰常半常曰尋者此皆無正文按周禮考工記云車有六等之數云軫崇四尺謂之一等又云戈長六尺六寸既建而迤之崇於軫四尺謂之二等人長八尺崇於戈四尺謂之三等及長尋有四尺崇於及四尺謂之四等車戟常崇于及四尺謂之五等酋于常有四尺崇于戟四尺謂之六等自軫至矛

儀禮卷二十三

八

皆以四尺為差以是約之即知常是丈六尺尋是八尺也云崔是細葦者以類言之其實全別此崔又與莞蓆之莞不同彼莞謂蒲也云有以識之者席無異物為記但織之自有首尾可為記識耳云必以長筵者以有左右饌者賓在戶牖之間南面正饌在左庶羞在右雖不在席上皆陳於席前當席左右其間宰夫筵出自東房容人故必長筵也筵本在房宰夫敷之也天子諸侯左右房○疏曰上云司宮具几筵具之在房宰夫敷之而已天子諸侯左右房以其言東房對西房若大夫士直



有東房而已故直云在房也

公如賓服迎賓于大門內不出大門降于國君○疏

曰周禮司儀云將幣交擯三辭車逆拜辱賓車進答拜又云致饗餼饗食皆如

將幣之儀是國大夫納賓也大夫謂上擯君來則出迎也

命賓入門左公再拜賓辟再拜稽首左

方賓位也辟遠道公揖入賓從道揖入及不敢當君拜也

廟門公揖入廟禰廟也○疏曰儀禮之

儀禮卷二十三

九

禮納采云至于廟記云凡行事必用昏昕受諸禰廟是也若非禰廟則言廟祧

若聘禮云不腆先君之祧問卿云受于祖廟之類是也但受聘在祖廟食饗在

禰燕輕于食饗又賓入三揖每曲揖及

在寢是其差次也

人至于階三讓讓先升○疏曰曲禮云

階主人固辭然後客復就西階此亦降

等初即就西階者此君與客食禮禮之

升遠下人君○疏曰亦取大夫立于東

君行一臣行二之義也

食之禮故與此不同也

正彼謂大夫士以小燕公升二等賓

階主人固辭然後客復就西階此亦降

等初即就西階者此君與客食禮禮之

升遠下人君○疏曰亦取大夫立于東



夾南西面北上

東夾南東西節也。取節於夾，明東於堂。○疏曰：

此謂主國卿大夫立位序，西為正堂序，東有夾室，立于夾室之南，是東於堂也。

士立于門東北面西上

統於門者，非其正位，辟賓在此。

○疏曰：燕禮大射，士在西方，東面北上，不統於門，今在門東西上，宜東統于君。

而統於門者，以賓在門西，小臣東堂下，辟賓在此，非正位，故也。

南面西上，宰東北，西面南上

宰宰夫之屬也。

古文無南上。○疏曰：宰在北堂之南，與夾室相當，故云夾北也。云宰宰夫之屬。

者以經云南上，則非止一人。下文宰夫之官皆在其內，亦於此立，可知。但宰尊，官反在小臣之下者，以其小臣位在北堂南，故先見之，非謂尊卑先後為次也。

內官之士在宰東北，西面南上

夫人之官內宰

之屬也。自卿大夫至此，不先即位。從君而入者，明助君饗食，賓自無事。○疏曰：

周禮天官內宰下大夫，掌王后已下，彼天子內官諸侯，未必有內宰，以其言內

官之士，以士為之，明當天子內宰，故鄭舉內宰，况之也。前聘時，君迎賓于大門

內，時卿大夫已下入廟即位者，受聘事重，非饗食之事，故先入廟即位，此已下。



雖有宰及宰夫者皆有事及大夫七牲士庶蓋之等皆助君食賓非已之事故也。後入介門西北面西上也。西上自統於賓也。然則承擯以下立於士西少進東上。○疏曰介統於賓而西上則擯統於君而東上可知。承擯以下既是有事之人又是大夫尊於士故知少進東上不言上擯者上擯有事其位不寢故不言。

### 右迎賓即位

公當楯北鄉至再拜賓降也。公再拜。

謂楯

之梁至再拜者興禮俟賓嘉其來也。公再拜賓降矣。○疏曰至再拜者公方一拜賓即降公再拜者賓降後又一拜雖一拜本當再拜故皆以再拜言之。猶下俯幣之時公一拜賓降公再拜注云賓不敢俟成拜也。鄭云公再拜賓降矣者謂至再拜也。賓西階東北面答拜。○疏曰答拜也。並據公未降之前。君敬也。○疏曰答拜也。並據公未降之前。賓始一拜公降一等間在一辭之中。又辭而賓猶終降再拜稽首。知者以下文。賓栗階升不拜是已拜於下也。擯者辭拜於下之。時其位在擯者辭。拜於下。故下記云卿擯由下。擯者辭於下拜。



也公降一等辭曰寡君從子雖將拜興

也賓降再拜公降擯者釋辭矣賓賓栗

階升不拜級自以已拜也栗寔栗也不拾

級而下曰趨○是勅畧反○疏曰於堂

下終為再拜稽首故於堂上不拜也云

栗寔栗也者謂疾之意也云不涉拾級連

步者曲禮云拾級聚足連步以上鄭注

云拾級聚足謂前足躡一等後足從之

併此拾級也連步謂足相隨不相過也

其連步據足而言拾級據階而言其實

一也此等尋常升法此栗階據趨君命

而上按燕禮記云凡君所辭皆栗階注

云栗感也謂越等急趨君命也又曰凡

栗階不過二等注云其始升猶聚足連

步越二等左右足各一發而升堂是栗

階之法也云不拾級而下曰是者凡升

降有四種云是者君臣急諫諍則越三

等為是階越一等為歷階又命之成拜

有栗階又有連步為四等也

階上北面再拜稽首賓降拜主君辭之

賓雖終拜於主君

之意猶為不成○疏曰按論語孔子云

拜下禮也今拜乎上泰也是以上文主

君雖辭賓猶終拜于下盡臣之禮為成

拜而主君之意猶以為不成故命之升

拜而主君之意猶以為不成故命之升



成拜賓遂主君之意故升更拜也

右拜至○記卿擯由下

不升堂也○疏曰此謂上

擯擯詔賓主升降周旋之事

士舉鼎去鬯於外次入陳鼎于碑南面

西上右人抽扃坐奠于鼎西南順出自

鼎西左人待載

入由東出由西明為賓也今文奠為委古文待

為持○疏曰次入謂序入也

雍人以俎入陳于鼎南

旅人南面加匕于鼎退

旅人雍人之屬旅食者也雍人

言入旅人言退文互相備也出入之由亦如舉鼎者匕俎每器一人諸侯官多

也○疏曰云旅人雍人之屬者即燕禮云尊士旅食于門西鄭云庶人在官者

是也云諸侯官多者按少牢云鼎序入雍人執一匕以從雍府執四匕以從司士

合執二俎以從司士贊者二人皆合執二俎以相從是大夫官少故每人兼執

也大夫長盥洗東南西面北上序進盥

退者與進者交于前卒盥序進南面上



長以長幼也。序猶更也。前洗南。○疏曰。按鄉飲酒鄉射賓盥北面。則此大夫亦皆北面可知。云長以長幼也者。若燕禮云命長之類。皆據長幼為長。不謂眾中之長也。**載者西面。**載者左人也。亦序自鼎者也。則載之。○疏曰。前云左人待載。其時鼎東南面。今大夫鼎北面南。匕之左人當載。故序自鼎東西面於其前矣。俎**魚腊**正當鼎南。則載者在鼎南稍東也。**魚腊**。任。任。孰也。食禮宜孰。饗有腥者。○疏曰。管上云羹定肉謂之羹。恐魚腊不在羹定之中。故此特著魚腊。任以食禮尚孰。故皆任也。又曰。國語云。王饗用體薦體。

薦則腥矣。樂記云。大饗而**載體進奏**。謂俎腥魚是饗禮有腥也。**載體進奏**。謂牲與腊也。奏謂皮膚之理也。進其理本在前。下大夫體七。个。○疏曰。三牲與腊皆載體。直言體不辨體形及數。以下魚腸胃倫膚皆言七。則此亦七體。故鄭云。下大夫體七。个。按士虞記云。升左肩臂。臠肫。骼。脊。脅。七。體。彼喪禮用左。又按鄉飲酒鄉射記皆云。右肫。骼。脊。脅。可知。既用右肫。則左肫為庶羞。其庶羞者。此下大夫十。六。豆。上大夫二十豆是也。若致殮及歸。饗餼腥。鼎皆無庶羞。鄉飲酒鄉射燕禮。大射雖同用狗一牲。以其亨。亨亦皆有。



庶羞也。云進其理本在前者。此謂生人食法。故進本。本謂之上者。若祭祀則進末。少牢云進下。鄭云變於食生是也。魚七。縮俎寢右。右首。右進。鬻也。乾魚進。腴多骨鯁。○疏曰。縮。縱也。魚在俎為縱。於人亦橫。賓在戶牖之間。南面俎則東西陳之。魚在俎首在右。腹腴鄉南。鬻脊也。進脊在北。鄉賓是取脊少骨鯁者。以優賓也。若祭祀則進腴。以鬼神尚氣。腴者氣之所聚。故少牢進腴。是也。腸胃七。同俎。牛以其同類也。不異其。凡二十八。○疏曰。牛羊同是畜類。又其腹腴賤。故畧之。同俎也。牛羊各有腸胃。

腸胃各七。四七二十八也。但此腸胃與牲。或同。鼎同俎。或別。鼎別俎。何者。據此。下文。或同。鼎同俎。或別。鼎別俎。是其正法。取其鼎俎奇也。少牢五俎。腸胃與牲。同。鼎者。以其有鮮獸。若腸胃別。鼎則六。不得奇。故并腸胃與牲。同。鼎。有司徹亦然。此腸胃七者。以其與牲體別。鼎故取數於牲。亦七。少牢并腸胃於牲。鼎故云。腸三胃三。取數于脊。脊各三也。賓尸禮。殺於正祭。故腸胃各一。既夕盛葬奠。故腸胃。倫膚七。倫理也。謂精理滑脆者。五也。倫膚。謂豕之皮革為之。但此公食大夫為賓。用為美。故膚與腸胃皆別。鼎俎特。



牲腥有三鼎，魚腊不同鼎，故膚從牲同。鼎有司徹，雖同少牢，亦止三鼎而已。羊豕魚皆一鼎，故膚還從牲鼎也。又此膚與牲體之數亦七，而少牢膚九者，此食禮故膚從體數少牢大夫之祭，膚腸胃出下牲，故取數於牲之體而九也。腸胃皆橫諸俎，垂之，順其在牲之性也。腸胃垂及俎，拒者，少牢云腸三從多而言云垂及俎，拒者，少牢云腸三胃三垂及俎，拒是也。大夫既匕，匕奠于鼎，逆退復位。○事畢，宜由僂也。士匕載者，又待設俎。○疏曰：上文云士舉鼎，又云左人待是載者，又待設俎，可知也。

右鼎俎八

公降盥，將設賓降，公辭，辭其卒盥，公壹。

揖壹讓，公升賓升，揖讓皆壹，殺于初宰。

夫自東房授醢醬，授授公也。醢醬以醢。

堂上戶牖之間，南面設之，乃設正饌於中。席已東，庶羞於中，席已西，按歸饗餼醢醢別，知此不別，而以醢醬和醬者，此經所陳物異者，皆別器，此醢醬下，但言醬不。



別言醢明以醢和醬可知祭祀公設之

無此法以生人尚褻味故有之

以其為賓辭北面坐遷而東遷所東遷所奠

之東側其故處○疏曰云東遷所者謂

以西為上君設當席中故東遷之辟君

設處側近也公立于序內西鄉不立阼階上示

近其故處公立于序內西鄉階上示

親饌○疏曰君之行事皆在阼階上今

以設饌在戶西近北故近阼北立是示

親監賓立于階西疑立不立階上以主

饌也君離阼也疑正

立也自定之貌宰夫自東房薦豆六設

今文曰西階儀禮卷二十三

于醬東西上韭菹以東醢醢昌本昌本

南麋鷄以西菁菹鹿鷄醢醢醢有醢昌

醢有骨謂之鷄菁蕘菁菹也今文鷄皆

作麋○疏曰周禮醢人朝事之豆八此

用其六彼注云醢肉汁也昌本昌蒲根

也又云細切為齋全物若牒為菹齋菹

之稱菜肉通此經言菹不言齋者齋菹

麤細雖異通而言之齋亦得為菹也蕘

菁即蔓士設俎于豆南西上牛羊豕魚

在牛南腊腸胃亞之亞次也○不言絳錯

組尊也絳側耕



反。○疏曰：上設豆，絳陳之；下設黍稷，錯陳之。此設俎，不絳，不錯者，尊故也。

膚以為特。出直豕與腸胃東北也。特，膚者，出下牲賤。○疏曰：豕在牛羊

之下為賤，膚豕之所出，故特之於俎東也。旅人取匕，甸人舉

鼎順出，奠于其所。以其空也。其所謂當門。○疏曰：前旅人以

匕入加于鼎退出，今還使之取匕。前士舉鼎入，今不使舉鼎出者，以其士載訖

遂設俎於賓前，事未畢，故甸人舉鼎而出也。宰夫設黍稷六

簋于俎西，二以並，東北上，黍當牛俎，其

西稷錯以終南陳。並併也。今文曰：併大西稷錯以終南陳。古文簋皆作軌。

羹湑不和，實于鐙。宰右執鐙，左執蓋，由

門入，升自阼階，盡階，不升堂，授公以蓋。

降出入反位。大羹湑，煮肉汁也。大，古之羹，美不和，無鹽菜。瓦豆謂之

鐙，宰謂太宰宰夫之長也。有蓋者，饌自外入為風塵。今文湑為汁，又曰：入門自

阼階無升。○疏曰：宰位在東夾北，西面南上，今以蓋降出，送於門外，乃受入門。

反於東夾北位也。大羹不和，質也。鉶羹則調之以鹽菜。云：宰謂大宰宰夫之長。



者以單言宰諸侯三卿無大宰以司徒  
兼大宰大宰之下有宰夫故云宰夫之  
也長公設之于醬西賓辭坐遷之亦東遷  
所○疏

曰醬既東遷所今於醬西遷之  
明亦東遷所移之故醬處也宰夫設

鉶四于豆西東上牛以西羊南豕豕

以東牛鉶菜和羹之器○疏曰下記云  
牛藿羊苦豕薇是菜和羹以此

鉶盛之也據羹在鉶言之謂之鉶羹據  
器言之謂之鉶鼎正鼎之後設之謂之

陪鼎入庶羞言之謂飲酒實于解加于  
之羞鼎其實一也

儀禮卷二十三

十九

豐也豐所以承解者宰夫右執解左執豐

進設于豆東食有酒者優賓也設于豆  
東不舉也燕禮記曰凡奠

者於左○疏曰云食有酒者優賓也者  
按下文宰夫執漿飲賓與受唯用漿醕

口不用酒今主人猶設之是優賓也燕  
禮主人奠于薦左賓不飲取奠于薦右

此酒不用故亦奠於豆東酒義雖異不  
舉是同然無凡奠者於左之文鄭注蓋

引鄉飲酒鄉射記文宰夫東面坐啓筮

會各卻于其西會筮蓋也亦一一合卻  
之各當其筮之西○疏



曰云亦一一合卻之者卻者仰也簋蓋有六兩兩皆相重而仰之謂之卻合故云一一卻合之各當其簋之西為兩處亦者亦少牢故少牢云佐食啟會蓋二以重設于敦南也

右設正饌。○記贊者盥從俎升俎其所有

事。○疏曰豆亦從下升不言從者贊者不佐祭豆直佐祭俎也。經云三牲之肺不離贊者辯取之壹以授賓是黍稷亦贊祭不從升者黍稷設之在後故也。黍稷雖後升先祭者以其先食黍稷後食肉故也。上贊下

儀禮卷二十三

二十

大夫也。上謂堂上擯贊者事相近以佐上下為名。鉶芼牛

藿羊苦豕薇皆有滑。藿豆葉也。苦苦茶也。滑莖莖之

屬。今文苦為芣。○疏曰士虞記云鉶芼用苦若薇有滑夏用葵冬用莖鄭注云莖莖類也。乾則滑夏秋用生葵冬春用乾莖此經云皆有滑不言所用之物故取彼記解之云之屬者其中無有葵也。

贊者負東房南面告具于公。負東房負房戶而立

也。南面者欲得鄉公與賓也。○疏曰經直云負東房鄭知負房戶而立者以公



取以右手授以右手贊與賓亦與言贊不言賓優賓之意也

在東序內，賓在戶西，雖告具于公，且欲使賓聞之，故知于房近西，是以云得鄉

公與賓也。公再拜揖食，再拜，拜。賓饌具。賓降拜，答公拜。

公辭，賓升，再拜稽首。不言成拜。賓升席。

坐取韭菹以辯，擩于醢，上豆之間祭。擩，猶

染也。今文無于。贊者東面坐，取黍實于左手，辯

又取稷，辯反于右手，興以授賓，賓祭之。

取稷，授以右手，優也。賓亦興受坐祭之。於豆祭也。獨云贊興，優賓也。少儀曰：受立

儀禮卷二十三

廿一

授立不坐。○疏曰：此所授者，皆謂遠賓者，菹醢及鉶，皆不言授者，以其近賓取

之易也。按曲禮云：穀之序，辯祭之，故知雖不殺，亦祭之也。經直云祭，知祭之于

豆祭者，按少牢云：尸取韭菹，辯換于三豆，祭于豆間，故也。云獨云贊興，優賓者，

欲見賓坐而不興，是優賓，其實俱興也。引少儀者，欲見贊興，賓亦興之義，以其

賓坐贊亦坐，故也。三牲之肺不離，贊者辯取之。

壹以授賓。肺不離者，剝之也。不言剝，剝則祭肺也。此舉肺不離而剝

之，優賓祭也。祭離肺者，絕肺祭也。壹，猶稍也。古文壹作一。○疏曰：少儀云：牛羊



之肺離而不提心鄭云提猶絕也封離  
之不絕中央少者此即為食而舉肺也少  
牢云舉肺一長終肺祭肺三皆切之是  
祭肺切舉肺不切也此肺雖不離而刊  
之與祭肺同其實舉肺故不言刊將祭  
之時則絕末而祭之與祭肺異也凡舉  
肺有二名一名離肺亦名剝肺也  
名舉肺祭肺亦名剝肺也  
賓興受坐祭  
云賓興受坐祭重牲也賓  
亦每肺興受祭於豆祭  
挽手扱上鉶  
以柶辯擣之上鉶之間祭  
鉶扱以柶其扱  
也扱以中○疏曰此云上鉶之間祭者  
著其異於餘者餘祭于上豆之間此鉶

別自祭鉶間云扱扱也扱以巾者按內  
則左佩紛帨帨即佩巾而云扱扱扱手  
以巾似帨不名巾者本名帨者以扱手  
為名其實名巾故鄭舉其實稱也此有  
四鉶而云扱上鉶辯擣則惟一柶優  
賓故用一柶而已少牢二鉶祭神故宜  
各有祭飲酒於上豆之間魚腊醬涪不  
柶也  
祭不祭者非食物之盛者○疏曰魚腊  
涪醬非盛者在正饌之內故不祭若  
入庶羞則祭之下文辯取庶羞之大興  
一以授賓賓受兼壹祭之少儀云祭臠  
臠詁為大魚肉之  
鬻是亦祭之也



右賓祭正饌

宰夫授公飯梁公設之于涪西賓北面

辭坐遷之

既告具矣而又設此殷勤之加也遷而西之以其東上也

○疏曰知遷而西者以其加饌與庶羞並列也知梁東上者下文宰夫膳稻于

梁西是以梁公與賓皆復初位  
位序內階西○

疏曰上公設醬時立于序內賓立于階西此云公與賓復初位故知公還在序

內賓還在  
宰夫膳稻于梁西  
膳猶進也進稻梁者

儀禮卷二十三

廿三

以簠○疏曰知進稻以簠者下記云簠有蓋幕鄭注云稻梁將食乃設去會於

房蓋以幕上云設黍稷訖云卻會此士稻梁不云卻會者先於房去之故也

羞庶羞皆有大蓋執豆如宰  
羞進也庶衆也進衆

珍味可進者也大以肥美者特為饗所以祭也魚或謂之膾膾大也唯醢醬無

大如宰如其進大羹涪右執豆左執蓋○疏曰云皆有大者中有二物三物之

肉兼有魚也云魚或謂之膾膾大也者有司徹云尸俎五魚侑主人皆一魚皆

加膾祭于其上是也少儀云膾祭也云唯醢醬無大者鄭注周禮醢人作醢之



法先膊乾其肉乃後莖之雜以梁麩及鹽漬以美酒塗置甌中百日則成矣何

大鬻之有也醬則先者反之由門入升

自西階庶羞多羞人不足則相授以階上復出取也○疏曰反之者以

其庶羞十六豆羞人不足故先至者反取

之下文云先者一人升設于稻南其人

謂第二已下為先者也先者一人升設

于稻南筮西黍稷西也必加不與正豆併也間容人者賓當從間

往來也○疏曰稻與庶羞俱是加稻在

黍稷西近北庶羞繼而南陳俱在黍稷

正饌之西是不與正豆併也賓當從間

往來則下文賓左擁筮梁右執清以降公辭升反奠于其所是也旁四

列西北上禮不統于正饌者雖加自是一禮是所謂羹裁中別○疏曰

謂之羹亦一也穀為正饌裁為切肉則

庶羞分置左右此亦正饌在東庶羞在西間容人是中別也聊以東

腫曉牛炙聊腫曉今時腫也牛曰聊羊炙南醢以西牛裁醢牛鮓古文聊作薰炙南醢以西牛裁醢牛鮓先



醢用鮪。今文鮪作鮪。○鮪謂鮪為鱠。然則膾  
也。與此違者。大凡醢配。是正而醢。絳  
卑于裁。今牛羊豕裁。皆在醢下者。直是  
絳之次。非尊卑之列。特牲以一有醢。若  
牢四豆。羊豕裁。醢在裁上。不成錯。故不得絳。少  
鮪南羊炙。以東羊豕炙。豕炙南醢。以  
西豕豕芥醬魚膾。曰。芥醬芥實醬也。內則  
膾春用葱。秋用芥。  
衆人騰羞者。盡階不升堂。授以蓋。降出。  
騰當作騰。送也。  
授授先者一人。

右設加饌。○記簠有蓋。幕乃設去會

於房。蓋以幕。幕中。也。今文或作幕。○  
疏曰。簠簋相將。簋既有會。明簠亦有  
會。可知。但黍稷先設。故卻會于敦南。  
簠盛稻粱。將食。乃設。故鄭云。去會于  
房。蓋以幕。至于陳設。幕亦去之。經凡  
爨無醬。已有鹹和。○疏曰。云凡者。欲  
解儀禮一部之內。牛羊豕炙  
皆無醬。云已有鹹和  
者。若今人食炙。然和



贊者負東房告備于公復告庶羞具贊

升賓以公命命賓升席。○疏曰：前設饌，訖贊者告具于公。公再拜揖食。此

使贊升賓者以其禮殺故也。是上以文

正饌，公先拜賓答拜。此賓先拜，公公答

拜為異也。賓坐席末，取梁即稻，祭于醬，涪間。

即就也。祭稻，梁不以豆祭。祭加宜于祭。

○疏曰：下文云：賓三飯，以涪醬。注云：每

飯歡涪，以肴濡醬，食正饌也。又云：不以

涪醬。注云：不復用正饌也。則此涪醬是

正饌，而云加者，以在正饌之上，得與正

饌為本，故名正饌。其實，是正饌之加，故

公親設贊者北面坐，辯取庶羞之大興

之也。一以授賓，賓受兼壹祭之。壹壹受之，而

羞輕也。自祭之于腳腫之間，以異饌也。

○疏曰：壹壹受之，而兼一祭之。庶羞輕

也者，決上三牲之脯祭之。今此祭庶羞

并之，故云輕也。不云於豆祭，而云於腳

右賓祭加饌

賓降拜，羞拜庶。公辭賓升，再拜稽首，公答



再拜賓北面自間坐左擁籩梁右執涪

以降自間坐由兩饌之間也擁抱也必取梁者公所設也以之降者堂尊

處欲食於階下然也公辭賓西坐面奠于階西東

面對西面坐取之栗階升北面反奠于

其所降辭公奠而後對成其意也降辭

而親臨已食侍食贊者之事○疏曰云成其意者謂成其食階下之意故奠乃

對此決下文大夫相食賓執梁與涪公之西序端主人辭賓反之而不奠也

儀禮卷二十三

許賓升公揖退于箱箱東夾之前俟事之處○疏曰按爾

雅有東西箱曰廟其夾皆在序外故也知是俟事之處者正以此文公揖退于

廂而俟賓食即擯者退負東塾而立無待事之處也

賓坐遂卷加席公不辭贊者以告公公聽之重來優賓

○疏曰公既在序外賓食在戶西若不告公公何以知之明知贊者告公也公

來則勞賓不來則賓不勞賓三飯以涪

故不來者所以優饒賓也醬每飯歡涪以肴孺醬食正饌也三飯而止君子食不求飽不言其肴優賓



○疏曰曲禮三飯主人延客食哉然後  
辯穀與此不同者此為禮食故先食穀  
彼大夫士與客燕食則先食哉故不同  
也又昏禮同牢云贊爾黍投肺脊皆食  
以涪醬皆祭舉食舉也注云皆食食黍  
也以涪醬皆祭舉食舉也注云皆食食  
者此公食賓禮解體折節明食穀可知  
彼豚解者皆不食故不食穀也彼又云  
三飯卒食注同牢示親不主為食起三  
飯而成禮故不食穀也但涪言啜淡故  
也醬言濡鹹故也云不言其穀優賓者  
特牲少牢尸食時舉穀皆言次第此不  
言者任賓取也

儀禮卷二十三

六

進此進漱也非為卒食為將賓抗手興

受受解宰夫設其饔于稻西酒在東漿

左酒右漿○疏曰酒在東者上飲酒實

于解宰夫設于豆東是也漿在西者即

此經設于稻西是也曲禮云酒漿處右

彼注云此言若酒若漿耳兩有之則左

漿也庭實設皮乘賓坐祭遂飲奠於豐上

### 右賓正食

飲 漱



公受宰夫東帛以侑西鄉立

東帛十端也。侑猶

勸也。主國君以為食賓殷勤之意未至。復發幣以勸之。欲用深安賓也。西鄉立。

序內位也。受東帛于序端。○疏曰。上文

公設醬。公立于序內西鄉。此經亦云西

鄉立。故知亦在序內位也。大射禮。凡公

受於序端。故每云公之所受者。皆約之

受於序端。賓降筵北面。以君將有命也。北面

君將有東帛侑食之。擯者進相幣。為君

命。故于西階上待之。擯者進相幣。釋幣

辭于賓降。辭幣升聽命。又降辭幣。主國君

命是也。降拜。當拜公辭。賓升再拜稽

首受幣。當東楹北面。主國君南面授之

行一也。臣退西楹西東面立。幣也。退不負

行二也。退西楹西東面立。幣也。退不負

序以將降。○疏曰。聘禮公拜貺。賓三退

負序。不言辟者。以執圭將進授之。此公

拜送幣。賓在階西不。公壹拜。賓降也。公

再拜。賓不敢。介逆出。以賓。賓北面揖執



庭實以出揖執者公降立侯賓上介受

賓幣從者訝受皮從者府史之屬訝迎

曰此子男小聘使大夫士介一人而已

此時已受賓幣故知訝受者非士介是

### 右侑幣

賓入門左沒雷北面再拜稽首便退則

卒不退則嫌更入行拜若欲從此退則嫌者

儀禮卷二十三

三十

此鄭探解賓意食禮自有常法三飯之後

若便退則食禮未卒不退則有貪食之嫌是以更入行拜示將辭之意待公設

辭而後公辭止其拜使揖讓如初如初

升賓再拜稽首公答再拜賓拜拜主國

揖介入復位○疏曰上文云介逆出下

復入之時節當此賓降辭公如初將復賓

升公揖退于箱賓卒食會飯三飲卒已



食會飯三漱漿也。會飯謂黍稷也。此食黍稷則初時食稻粱。○疏曰：知會飯是黍稷者，上文云：宰夫東面坐，啓筮會。各卻于其西。此云：食會飯，故知是黍稷也。前賓三飯，不云會，以其筮盛稻粱。稻粱無會，故鄭云：此食黍稷，則初時食稻粱矣。不以醬啗，飯不復用正饌也。初時食加羞，互相成也。後言啗，或時後用。○疏曰：上文賓三飯，以啗醬。注云：每飯歡。啗以穀，擣醬是正饌。稻粱是加，此云：卒食會飯三飲，不以醬啗。鄭意以黍稷是其正，庶羞是其加，是互相成也。上文賓三飯以啗醬，先言啗，後言醬，是先言啗，此後言啗，或容前三飯後用。用

儀禮卷二十三

世二

言啗故作文有先後也。用 拱手與北面坐

取梁與醬，啗以降，西面坐，奠于階西。○示親也。

不以出者，非所當得。又以已得，侑幣。○疏曰：云不以出者，決士昏禮賓取脯，出以授從者，彼是已所當得。此非特已得，侑幣下文有司卷三牲之俎，歸于賓館，亦是已所當得。鄭不言三牲而東面再拜，言侑幣者，據已得者而言之。

稽首。○卒食拜也。不北面者，異於辭。○疏曰：上文賓受侑幣，出受入門，左拜其

時辭欲退，猶待公留，故北面。公降再拜，答面。此卒食禮終，故東面。



也。不辭之使升堂。明禮有終。

### 右卒食

介逆出。賓出。公送于大門內。再拜。賓不

顧。顧，初來揖讓而退，不顧，退禮略也。示難進易退之義。擯者以賓不顧告公。公

乃還。有司卷三牲之俎，歸于賓館。卷，猶也。收也。

無遺之辭也。三牲之俎，正饌。九尊盡以歸。賓尊之至也。歸俎者，實于篚。它時有

所釋故。○疏曰：此無所俎而言卷三牲之俎，不言用俎。鄭云：實于篚。按士虞禮

儀禮卷二十三

廿三

亦無所俎。尸舉牲體皆盛于篚。吉凶雖不同，無所俎是一故。知同用篚也。特牲

及士虞，尸卒食取俎歸于尸。三个是有所釋。此無所釋，故稱卷也。彼注云：釋猶

遺也。遺者，君子不盡人之歡，不竭人之忠也。魚腊不與。以三牲之

俎無所釋故也。禮之有餘為施惠，不言腸胃膚者在魚腊下，不與可知也。古文

與作

### 右賓出

明日，賓朝服拜賜于朝。拜食與侑幣皆



再拜稽首

朝謂大門外者以其經云拜賜于

朝無賓入之文又聘禮以柩造朝亦無喪入之文也此食禮拜侑幣聘禮歸饗

籛直言拜饗與籛不拜束帛者彼使人致之故不拜此食禮君親賜故拜之

訝聽之

受其言入告出報也此下大夫有士訝○疏曰周禮掌訝大夫

有士訝此篇是子男使下大夫小聘故云此下大夫有士訝也

右拜賜

上大夫八豆八簋六鉶九俎魚腊皆二

俎

記公食上大夫異于下大夫之數豆加葵菹蝸醢四四為列俎加鮮魚鮮

腊三三為列無特○疏曰云豆加葵菹蝸醢者按周禮醢人朝事之豆云韭菹

醢醢昌本麋藟菁菹鹿藟茆菹麋藟上

文下大夫之豆用其六仍有茆菹麋藟今上大大夫八豆不取之而取饋食之豆

葵菹蝸醢者按少牢饋食四豆二豆用葵菹羸醢二豆用韭菹醢醢注云韭菹

醢醢朝事之豆也而饋食用之豐大夫禮則此公食大夫兼用饋食之豆亦是

豐大夫禮也云俎加鮮魚鮮腊者上文下大夫七俎牛羊豕魚腊腸胃與膚此云九俎明加鮮魚鮮腊云無特者陳饌



要方上七俎者東西兩行為六俎一俎  
在特于俎東此九俎為三行故無特雖  
無特膚魚腸胃倫膚若九若十有一下  
亦為下

大夫則若七若九 此以命數為差也九謂再命者也十一謂

三命者也七謂一命者也九或上或下者再命謂小國之卿次國之大夫也卿

則曰上大夫則曰下大夫之孤視子男○

疏曰云此以命數為差也者按周禮典命公侯伯之卿三命大夫再命士一命

子男之卿再命大夫一命士不命則諸侯之臣分為三等三命再命一命不命

儀禮卷二十三

卅四

等有一十一有九有七則十一當三命九

當再命七當一命若然惟有上下二文

者以公侯伯之大夫與子男之卿同再

命卿爵尊為上大夫爵卑為下則上言

若九者子男之卿也下言若九者公侯

伯大夫也故鄭云卿則曰上大夫則曰

下云大國之孤視子男者此經唯見三

命以下故鄭併論及之案周禮典命大

國之孤四命又大行人云大國之孤執

皮帛以繼子男又云其他皆視小國之

君若然孤與子男同十三侯庶羞西東

伯十五上公十七差次可知庶羞西東

母過四列 ○謂上下大夫也古文母為無

疏曰上文云庶羞旁四列



此上大夫饌內言庶羞西東毋過四列  
則東西橫行上下大夫皆四以爲行下  
大夫四四十六豆東西四行西北亦  
四行上大夫東西四行南北五行矣上

大夫庶羞二十加於下大夫以雉兔鶉

鴛鴛鴦無母○疏曰云鴛無母者按爾雅  
釋鳥云鴛鴦母郭氏曰歛也青州人

呼曰鴛母莊子云田鼠化爲鶉淮南子  
云蝦蟇所化也月令曰田鼠化爲鴛然

則鴛鶉  
一物也

右食上大夫禮○記上大夫蒲筵加

儀禮卷二十三

三五

荏席其純皆如下大夫純謂三命大  
夫也孤爲

賓則莞筵紛純加纁席畫純也○疏  
曰經云上大夫不辯命數則子男之

卿再命其席亦同下大夫鄭言謂三  
命大夫者欲見公侯伯之卿三命亦

與子男下大夫同公之孤四命其席  
則異按周禮司几筵云筵國賓于牖

前莞筵紛純加纁席畫純與此記三  
命已下席不同故知彼國賓謂筵孤

也無正文故云則也上大夫庶羞酒飲漿飲庶

羞可也於食庶羞宰夫又設酒漿以  
之食庶羞可也以優賓○疏



曰上經云上大夫庶羞二十豆此復  
記之者欲見上大夫食加飯之時得  
兼食庶羞其時宰夫更設酒飲漿飲以優賓也拜食與侑幣

皆再拜稽首嫌上大夫不稽首

若不親食謂主國君有疾病若他故○

君有死喪之事故聘禮云主人畢歸禮賓唯饗餼之受謂畢致饗食但賓不受

之使大夫各以其爵朝服以侑幣致之

執幣以將命豆實實于壺陳于楹外二以並

儀禮卷二十三

三六

北陳筮實實于筐陳于楹內兩楹間二

以並南陳陳壺筐于楹間者象授受於堂中也南北相當以食饌同

列耳壺北陳者變於食壺數如豆醢芥醬從焉筐米四今文並作併○疏曰云

南北相當以食饌同列耳者按上文正食之時黍稷亦南陳今于楹間陳筐米

亦南陳是正食及此饌同列也云壺北陳者變于食者上文正食之時宰夫自

東房薦豆六設於醬東西上陳之今於楹間二以併北陳是變於食也菹醢各

異物不可同壺故壺數如豆上大夫八豆則八壺下大夫六豆則六壺庶羞之



醢同是醬類故使之相從但庶羞之醢  
愛無別種宜同一甕芥醬宜亦一甕知  
有芥醬者以其有生魚故也上文上大  
夫八簋今乃生致之黍稷宜各一筐稻  
梁又二筐故

### 庶羞陳于碑內

生魚也魚  
腊從焉上

大夫加鮮魚鮮腊雉兔鶉鴛不陳于堂  
辟正饌○疏曰上文魚膾是魚中之膾  
者皆是生魚也按鄭注周禮云燕人膾  
魚方寸切其腴以啗所貴是也此則全  
生不膾何者本膾在豆與載炙俱設今  
載炙在牲未殺膾全未破可知然庶羞  
之內衆羞俱有鄭獨云生魚者以其載  
炙在牲不殺於此無矣雖有乾腊雉兔

儀禮卷三十三

三七

之等以生魚為主也云魚腊從焉者雖  
無三牲之肉有乾魚腊可知云上大夫  
加鮮魚鮮腊雉兔鶉鴛者以其下大夫  
七鼎無鮮魚鮮腊上大夫九鼎加鮮魚  
鮮腊可知雉兔鶉鴛亦生致之矣庶羞  
本在堂上正饌之西今在碑內故云辟  
正饌也不陳於碑南者以其本  
合在堂今宜近堂故在碑北

### 庭實陳

于碑外者執乘皮者也

正法皆參分庭一在南而陳之昏禮記  
納徵執皮者是也今云碑外繼碑而言  
是近北矣彼陳於主人之庭擬與賓向  
外故近南此陳於客館擬與賓入內故



鄭云以言歸故在內也。牛羊豕陳于門內西方東

上。為其踐汗館庭使近外。○疏曰上庶羞與庭實在碑之內近內陳之此牛

羊豕陳于門內繼門言之是為踐其汗館庭也。若然致饗餼牛羊豕亦在此彼

不言者以饗餼有腥有熟其腥者近門是其常故略之此既不殺宜近內故決

也。賓朝服以受如受饗禮也。朝服食禮輕也。○疏曰歸

饗餼時卿韋無賓。以已本宜往。○疏曰。行食禮而有侑幣賓無賓法主君有故

致食禮併有侑幣亦不合有南賓故云。儀禮卷二十三

以已本宜往。明日賓朝服以拜賜于朝訝聽

命。賜亦謂食侑幣。○疏曰上速賓食時拜食與侑幣今亦然故云亦

### 右不親食

大夫相食親戒速也。記異於君者也。速名

具復自召之。○疏曰經大夫親戒速決君不親戒速以下諸文亦皆異故云記

異于君者也。云先就告之歸具既具復自召之者以其戒具兩有皆親為之與

鄉飲酒鄉射同故彼二文皆云戒迎賓賓既歸布筵設尊乃親速賓是也



于門外拜至皆如饗食拜饗大夫相饗之禮也今亡古文

饗或作鄉降盥受醬涪侑幣束錦也皆自阼

階降堂受授者升一等皆者謂受醬受涪受幣也侑用

束錦大夫文也降堂謂止階上今文無束賓止也主人三降

疏曰上文鄭注皆者謂受醬受涪受幣皆自阼階降此云主人三降即上三者

不數主人降盥者按鄉飲所言降盥者皆為洗爵故賓從降此降盥不為洗爵

故鄭不數之聘禮致饗餼賓降堂受老束錦大夫止注云止不降使之餘尊此

儀禮卷二十三

三九

賓不降者雖賓主敵以主人賓執梁與

降堂不至地故賓止不降也涪之西序端不敢食於尊處○疏曰此

公食大夫大夫降階下臣卑故也主人辭賓反之卷加

席主人辭賓反之辭幣降一等主人從

從辭賓降受侑幣再拜稽首主人送幣亦然

敵也○疏曰按郊特牲云大夫之臣不稽首非尊家臣以辟君也又按左氏傳

哀十七年公會齊侯盟于蒙孟武伯相齊侯稽首公拜齊人怒武伯曰非天子



寡君無所稽首，若然，臣於君乃稽首。平敵相於當頓首，今言敵而稽首者，以食禮相尊敬，雖敵亦稽也。辭於主人，降一等首，與臣拜君同故也。

主人從辭謂辭其卒食，徹于西序端亦親

徹東面再拜降出，卒食亦拜，其他皆如公

食大夫之禮疏曰云其他謂豆數俎體陳設皆不異上陳但禮異

者謂親戒速君則不親迎賓公不出此大夫出大門公受醬涪幣不降此大夫則降也公食大夫大夫降食於階下此言西序端上公食卷加席公不辭此則

儀禮卷二十三

四

辭之皆若不親食，則公作大夫朝服以

侑幣致之作使也大夫有故君必使其同爵者為之致禮列國之賓

來榮辱之事，君臣同。賓受于堂，無儉與受君禮同

賓受致饗幣云堂中西北面注趨主君之命也堂中西中央之西此雖無儉受

幣亦與之同也

### 右大夫相食禮

公食大夫義第四十 邦國禮四之下



食禮公養賓養賢一也。親之故愛之。愛之故養之。養之故食之。食而弗愛猶豢之也。愛而弗敬猶畜之也。饗禮敬之至也。食禮愛之至也。饗爲愛弗勝其敬。食爲敬弗勝其愛。文質之辨也。公使大夫戒必以其爵。恭也已。輕則卑之。已重則是以其貴臨之也。賓三辭聽命。言是禮

之貴弗敢當也。弗敢當故難進也。公迎賓于大門內。非不能至于外也。所以待人君之禮也。臣之意欲尊其君子之意欲尊其父。故迎賓于大門內。所以順其爲尊君之意也。三揖至于階。三讓而升堂。充其意諭其誠也。於廟用祭器誠之盡也。君子於所尊敬不敢狎。不敢狎故



神明之。神明之。故忠臣嘉賓樂盡其心也。大夫立于東夾南西面北上。士立于門東北面西上。小臣東堂下南面西上。宰東夾北西面南上。內官之士在宰東北西面南上。百官有司備以樂養賢也。設筵加席几。致安厚之義也。公設醬。然後宰夫薦豆菹醢。士設俎。公設大羹。然後宰夫設鉶。啟筮言以身親之也。賓徧祭。公設梁。宰夫膳稻。士膳庶羞。爲殷勤也。賓三飯梁以涪醬。以君子之厚已也。賓必親徹。有報之道也。庭實乘皮。侑以束帛。雖備物猶欲其加厚焉也。公拜送。終之以敬也。有司卷三牲之俎歸于賓館。不敢褻其餘也。上大夫八豆八簋六鉶。



九俎庶羞二十其餘衰見是德之殺也  
君子言之曰愛人者使人愛之者也敬  
人者使人敬之者也親人者使人親之  
者也自卑者使人尊之者是故公養  
賓國養賢其義一也未有愛之敬之親  
之尊之而其位不安者也未有不愛不  
敬不尊不親而能長有其國者也將由

乎好德之君則將怡焉唯恐其不足於  
禮將由乎驕慢之君則將曰是食於我  
而已矣故禮君子所不足小人所泰餘  
也孔子食於少施氏將祭主人辭曰不  
足祭也將殮主人辭曰不足殮也孔子  
退曰吾食而飽少施氏有禮哉故君子  
難親也將親之舍禮何以哉



諸侯相朝禮第四十一 邦國禮五之上

集補經

凡諸侯之邦交歲相問也殷相聘也世

相朝也小聘曰問殷中久無事又於

曰世凡君即位大國朝焉小國聘焉此皆所以習禮考義正刑一德以尊天子

也必擇有道之國而就修之○疏曰云小聘曰問者聘禮文故彼云小聘曰問

不享是也大聘使卿小聘使大夫也聘義王制皆云三年一大聘此不言三年

儀禮卷二十三

四

而云殷者欲見中間久無事及殷朝者來及亦相聘故云殷不言三年也若然

聘義與王制皆云比年一小聘此云歲相問不云比年者取歲之義也父死

子立曰世是繼世○諸侯相見必告于之義也○大行人○諸侯相見必告于

禴疏曰下文云反必親告于祖禴出時宜亦告祖禴為道近故或唯告禴

朝服而出視朝朝服為事故也○疏曰

侯朝服玄冠緇衣素裳以諸侯朝天子冕而出視朝為將廟受尊敬天子習其

禮故著朝服諸侯相朝雖在廟受降下天子不敢冕服唯服臨朝聽事之服熊



氏又云此朝服謂皮弁服以天子用以視朝故謂之朝服論語云吉月必朝服而朝注云朝服皮弁服是也必知朝服皮弁服者聘禮諸侯相聘皮弁服明相朝亦皮弁服也命祝史告于五廟所過山此義為勝也

川則不告貶于適天子也亦命國家五

官道而出反必親告于祖禰乃命祝史

告至于前所告者而后聽朝而入五官

夫典事者命者勅之以其職道祖道也反必親告祖禰同出入禮○疏曰案大

儀禮卷二十三

四

宰云建其牧立其鹽設其參傳其伍是諸侯有三卿五大夫出入所告理不容殊而諸侯相見出不云告祖者或道近變其常禮耳故反必親告祖禰以明出入之告其禮不○凡諸公相為賓謂相殊也○曾子問

至國五積三問皆三辭拜受皆旅擯再

勞三辭三揖登拜受拜送皆積于賜反後

又音臚力於反○賓所停止則積問闕則問行道則勞其禮皆使卿大夫致之從來至去數如此也三辭辭其以禮來於外也積問不言登受之于庭也鄭司



農云旅讀為旅於泰山之旅謂九人傳  
辭相授於上下竟問賓從末上行介還  
受上傳之玄謂旅讀為鴻臚之臚臚陳  
之也賓之介九人使者七人皆陳擯位  
不傳辭也賓之上介出請使者則前對  
位皆當其末擯焉三揖謂庭中時也拜  
送送使者○傳直專反○疏曰積者遣  
人所云十里有廬廬有飲食三十里有  
宿宿有委五十里有市市有積是也問  
者問不恙也勞謂勞苦之云皆使卿大  
夫致之者案聘禮遣卿行勞禮臣來尚  
遣卿勞明君來遣卿勞可知此再勞一  
勞在境再勞在遠郊皆使卿其近郊勞  
當主君親為之也其積問當使大夫故

儀禮卷二十三

四

下句云致殮如致積之禮注云俱使大  
夫禮同也致殮使大夫者見聘禮宰  
夫朝服設殮宰夫即大夫問亦小禮明  
亦使大夫也先鄭以為旅擯與交擯同  
之後鄭不從者此臣禮云旅擯下文云  
主君郊勞交擯三辭明其別旅直陳擯  
介不傳辭交則一往一來傳辭也後鄭  
謂旅讀為鴻臚之臚臚陳之者按爾雅  
釋詁云尸旅陳也釋言云豫臚叙也注  
云皆陳叙也後鄭不從旅泰山之旅從  
臚者欲取叙義也云賓之介九人者自  
從公介九人之禮云使者七人者自從  
降二等之禮云皆陳擯位不傳辭以下  
皆約聘禮主君大門內迎聘賓之位也



云三揖謂庭中時者如聘禮  
入門揖當曲揖當碑揖是也  
王君郊勞

交擯三辭車逆拜辱三揖三辭拜受車

送三還再拜主君郊勞備三勞而親之也  
鄭司農云交擯三辭謂賓

主之擯俱三辭也車逆主人以車迎賓  
於館也拜辱賓拜謝辱也玄謂交擯者

各陳九介使傳辭也車迎拜辱者賓以  
主君親來乘車出舍門而迎之若欲速

就之然後見之則下拜迎謝其自屈辱  
來也至去又出車若欲遠送然王君三

還辭之乃再拜送之也車送迎之節各  
以其等則諸公九十步立當車軹也三

儀禮卷二十三

四七

辭重者先辭辭其以禮來於外後辭辭  
升堂○疏曰云備三勞而親之者大行

人有三問三勞之文也先鄭云車逆主  
人以車迎賓于館也拜辱賓拜謝辱也

後鄭不從者此直是備三勞既來至國  
何有輒迎賓於館乎後鄭謂各陳九介

者以其在道俱不為主又非主君從賓  
之禮故無五擯之事而各陳九介其位

至君至館大門外北面而陳此九介去  
門九十步東面賓在大門內於門外之

東亦陳九介西面云立當車軹也者賓  
至俱立當軹大行人云後辭辭升堂

者按鄉飲酒禮主人酌降洗賓降主  
人坐奠爵于階前辭注曰事同曰讓事

引鄉飲酒禮  
迂拙可刪



只此句是辭升堂

異曰辭禮升堂是事同不云讓而云辭者此賓主敵者主人之意欲有受於庭之心故從事異曰辭是以下諸公之臣等升堂皆云讓依事同曰讓非敵故聘義云三讓而後傳命三讓而後入廟門並是異不云辭者欲取致尊讓之意變文耳又記文非正  
**致館亦如之**  
館舍也經故不為例也授之君又以禮親致焉○疏曰聘禮云大夫帥至館卿致之以此知先遣大夫授館也此大夫亦應是卿上主君郊勞此親致館故知亦如之也凡云致者皆使若已自然也  
**致飧如致積之禮**  
使俱

儀禮卷二十三

四八

大夫禮同也飧食也小禮曰飧大禮曰饗○疏曰上公飧五牢賓始至之禮欲致館後即言之云如致積之禮者積在道已致故云如之云飧食也者以其芻薪禾米食之類故云食也聘禮使宰夫設殮禮物又少故曰小禮饗餼有腥有牽芻薪米禾及將幣交擯三辭車逆又多故曰大禮  
拜辱賓車進答拜三揖三讓每門止一相及廟唯上相入賓三揖三讓登再拜授幣賓拜送幣每事如初賓亦如之及



出車送三請三進再拜賓三還三辭告

辟授音受賓音儼辟音避○鄭司農云

進主人乃答其拜也及出車送三請主

人三請留賓也三進進隨賓也賓三還

三辭告辟賓三還辭謝言已辟去也玄

謂既三辭主君則乘車出大門而迎賓

見之而下拜其辱賓車乃前下答拜也

三揖者相去九十步揖之使前也至而

三讓讓入門也相謂主君擯者及賓之

介也謂之相者於外傳辭耳入門當以

禮詔侑也介紹而傳命者君子於其所

尊不敢質敬之至也每門止一相彌相

親也君入門介拂闈大夫中棖與闈之

間士介拂棖此為介雁行相隨也止之

者絕行在後耳賓三揖三讓讓升也登

再拜授幣授當為受至人拜至且受玉

也每事如初謂享及有言也賓當為儼

謂以鬱鬯禮賓也上於下曰禮敵者曰

賓禮器曰諸侯相朝灌用鬱鬯無籩豆  
之薦謂此朝禮畢儼賓也三請三進請  
賓就車也主君每一請車一進欲遠送  
之也三還三辭主君一請者賓亦一還  
一辭○闈魚列反棖直康反行戶剛反  
○疏曰此並在主君大門外賓去門九  
十步而陳九介主君在大門外之東陳  
五擯上擯入受命出請事傳辭與承擯







賓後鄭亦不從者行朝享禮賓訖送賓  
出禮既有限何因更留賓之事云介  
紹而傳命者此聘義文按彼介紹而傳  
命謂聘者旅擯法引證此交擯者但紹  
繼也謂介紹相繼而陳則交擯皆得為  
紹故此交擯亦得介紹而傳命也按彼  
注質謂正自相當賓主不敢正自相當  
故須擯介通情也云賓入門以下本記  
文君入門不言所拂者朝君入由闌西  
亦拂闌不言之者君特行不與介連類  
故不言也介拂闌者上介隨君後與大  
夫士介自為雁行於後也聘禮介皆入  
廟門門西北面西上可知故此君介亦入  
門門西北面西上可知故此君介亦入

後亦入廟也謂享及有言也者案聘禮  
享夫人下云若有言束帛如享禮是也  
云上於下曰禮敵者曰儗者大行人云  
王禮再裸而酢之屬是上於下曰禮此  
諸侯云儗是致饗餼還圭饗食致贈郊  
敵者曰儗也

送皆如將幣之儀還音環又音旋食音  
嗣下皆同○此六禮

者惟饗食速賓耳其餘主君親往親往  
者賓為主人主人為賓君如有故不親  
饗食則使大夫以酬幣侑幣致之鄭司  
農云還圭歸其玉也故公子重耳受殽  
反璧玄謂聘以圭璋禮也享以璧琮財  
也已聘而還圭璋輕財而重禮贈送以



財既贈又送至郊。○疏曰：按公食大夫禮，君親食之，君不親食，則以侑幣致之。聘禮云：公於賓，壹食，再饗，上介壹食，壹饗。若不親食，致之以侑幣，致饗以酬幣。以此知二者皆速賓也。聘禮云：君使卿歸饗餼，又云：賓迎于門外，又云：大夫東面致命，君使卿還，王于館，賓迎于外門外，不拜，帥大夫以入，以此二者知賓為王人，王人為賓，致贈郊送亦然。可知也。聘禮乃君於臣，此兩君敵，明王君親為之矣。先鄭云：公子重耳，重事見左傳。僖公二十三年，但彼云：反璧者，義取不貪寶意，非還圭。故後鄭不從也。後鄭謂聘以圭璋禮也者，聘義云：以圭璋聘，重

儀禮卷三十三

五

禮也。謂行聘禮也。云：享以璧琮，財也者。貢財貨時，用璧琮，以致之。故云：財也。云：贈送以財者，聘禮賓遂行，舍于郊，公使卿贈，如覲幣。注云：言如覲幣，見為反報。是贈并送。賓之拜禮，拜饗餼，拜饗食。鄭至于郊。

農云：賓之拜禮者，因言賓所當拜者之禮也。所當拜者，拜饗餼，拜饗食。玄謂：賓將去，就朝拜謝。此三禮，三禮之重者也。賓既拜，主君乃至館，贈之。去，又送之于郊。○疏曰：按聘禮，饗餼，燕羞，俶獻之明日，賓皆拜于朝。將去，又三拜，乘禽于朝。彼臣故盡拜謝。此賓之拜禮，故致贈郊送之下，則不及燕羞，俶獻，乘禽，以其君



畧小惠將去惟拜其大惠也按聘禮賓  
三拜乘禽于朝遂行舍于郊公使卿贈  
若然此致贈郊送在拜禮後今設文在  
前者欲取如將幣之儀故進文在前其  
贈送合在後也云賓既拜主君乃至館  
贈之去又送之于郊者鄭以贈送之文  
在前拜禮在後恐疑顛賓繼主君皆如  
倒故此解之是其次也

### 主國之禮

鄭司農云賓繼主君復主人  
之禮費也故曰皆如主國之

禮玄謂繼主君賓主君也  
郊勞致館饗餼還圭贈郊送之時也如  
其禮者謂玉帛皮馬也  
有饌陳之積者不如也  
若饗食主君及燕亦速馬○費

儀禮卷二十三

五

以聘禮纏繞直當去之

芳味反○疏曰後鄭不從先鄭復主人  
之禮之說者以主人禮費既多非賓所  
能復也後鄭以為賓主君者按聘禮君  
遣卿勞及致館等皆賓賓者報也上注  
云敵者曰賓故此報主君為賓按聘禮  
云賓至于近郊君使卿朝服用束帛勞  
又云賓用束錦賓勞者君使卿章弁歸  
饗餼又云大夫奉束帛又云賓降授老  
幣出迎大夫注云出迎欲賓之庭實設  
馬乘賓降堂受老束錦賓奉幣西面大  
夫東面賓致幣是皆有賓法彼兩臣有  
賓此兩公有賓可知也然彼聘禮君使  
卿致館無幣故亦無賓臣於君雖他國  
亦不敢速君饗食此兩君故不同也主

此初若致時有幣合亦備之聘禮不見纏繞會速君此兩君即得會會速君也臣于君一段當存此數句可通



君有故不能親以備幣酬幣致之亦無償諸侯諸伯諸子諸

男之相為賓也各以其禮相待也如諸

公之儀賓王相待之儀與諸公同也饗饗色

界反○疏曰五等諸侯以命數為三等

其圭璋饗餼殮積步數擯介皆降殺備

於大行人掌客其進退升降揖讓之儀

一與公同故云如諸公之儀○司儀

凡諸侯之禮上公五積皆眡殮牽三問

皆脩群介以下九字衍行人宰史皆有牢殮五牢食

四十簋十豆四十鉶四十有二壺四十

鼎簋十有二牲三十有六皆陳饗餼九

牢其死牢如殮之陳牽四牢米百有二

十筥醢醢百有二十壘車字衍皆陳車米眡

生牢牢十車車乘有五籩車禾眡死牢

牢十車車三秬芻薪倍禾皆陳乘禽百

九十雙殷膳大牢以及歸三饗三食三



燕若弗酌則以幣致之凡介行人宰史  
皆有殮饗餼以其爵等爲之牢禮之陳  
數唯上介有禽獻夫人致禮八壺八豆  
八籩膳大牢致饗大牢食大牢卿皆見  
以羔膳大牢侯伯四積皆眡殮牽再問  
皆脩殮四牢食三十有二簠八豆三十  
有二劔二十有八壺三十有二鼎簋十

有二腥二十有七皆陳饗餼七牢其死  
牢如殮之陳牽三牢米百筥醢醢百饗  
皆陳米三十車禾四十車芻薪倍禾皆  
陳乘禽日七十雙殷膳大牢三饗食再食  
再燕凡介行人宰史皆有殮饗餼以其  
爵等爲之禮唯上介有禽獻夫人致禮  
八壺八豆八籩膳大牢致饗大牢卿皆



見以羔膳特牛子男三積皆眡殮牽壹  
問以脩殮三牢食二十有四簋六豆二  
十有四鉶十有八壺二十有四鼎簋十  
有二牲十有八皆陳饗餼五牢其死牢  
如殮之陳牽二牢米八十筥醢醢八十  
蠶皆陳米二十車禾三十車芻薪倍禾  
皆陳乘禽日五十雙壹饗壹食壹燕凡

介行人宰史皆有殮饗餼以其爵等爲  
之禮唯上介有禽獻夫人致禮六壺六

豆六籩膳眡致饗親見卿皆膳特牛藪素

口反劉色縷反耗丁故反或丈加反乘繩  
證反下注同食音嗣下食大牢再食壹  
食注不食同見賢遍反下注以意推之  
○積皆視殮牽謂所共如殮而牽牲以  
往不殺也不殺則無鉶鼎簋簋之實其  
束實于筐豆實實于蠶其設筐陳于楹  
內蠶陳于楹外牢陳于門西車米禾芻  
薪陳于門外壺之有無未聞三問皆脩脩



脯也。上公三問，皆脩。下句云：群介行人，宰史皆有牢。君用脩而臣有牢，非禮也。蓋著既字失處，且誤耳。殮客始至，致小禮也。公侯伯子男，殮皆飪一牢，其餘牢則腥。食者庶羞，美可食者也。其設蓋陳于楹外，東西不過四列。簋稻粱器也。公十簋，堂上六，西夾東夾各二也。侯伯八簋，堂上四，西夾東夾各二，子男六簋，堂上二，西夾東夾各二，豆菹醢器也。公四十豆，堂上十六，西夾東夾各十二，侯伯三十二豆，堂上十二，西夾東夾各十，子男二十四豆，堂上十二，西夾東夾各六。禮器曰：天子之豆二十有六，諸公十有六，諸侯十有二，上大夫八，下大夫六，以聘。

禮差之，則堂上之數與此同。鉶羹器也。公鉶四十二，侯伯二十八，子男十八。非衰差也。二十八，書或為二十四，亦非也。其於衰，公又當三十，又為無所據。依禮之大數，鉶少于豆，推其衰，公鉶四十二，宜為三十八，蓋近之矣。則公鉶堂上十，八，西夾東夾各十，侯伯堂上十二，西夾東夾各八，子男堂上十，西夾東夾各四。壺酒器也。其設于堂夾，如豆之數。鼎，牲器也。簋，黍稷器也。鼎十有二者，飪一牢。正鼎九，與陪鼎三，皆設于西階前。簋十有二，堂上八，西夾東夾各二，合言鼎簋者，牲與黍稷俱食之主也。牲當為腥，腥之誤也。腥謂腥鼎也。於侯伯至腥，二十有



七其故腥字也諸侯禮盛腥鼎有鮮魚  
鮮腊每牢皆為九列設于阼階前公腥  
鼎三十六腥四牢也侯伯腥鼎二十七  
腥三牢也子男腥鼎十八腥二牢也皆  
陳陳列也殮門內之實備于是矣亦有  
車米禾芻薪公殮五牢米二十車禾三  
十車侯伯四牢米禾皆二十車子男三  
牢米十車禾二十車芻薪皆倍其禾養  
籩既相見致大禮也大者既兼殮積有  
生有腥有孰餘又多也死牢如殮之陳  
亦飪一牢在西餘腥在東也牽生牢也  
陳于門西如積也米橫陳于中庭十為  
列每筥半斛公侯伯子男黍梁稻皆二  
行公稷六行侯伯稷四行子男二行醯

儀禮卷二十三

五

醯夾碑從陳亦十為列醯在碑東醯在  
碑西皆陳于門內者於公門內之陳也  
言車者衍字耳車米載米之車也聘禮  
曰十斗曰斛十六斗曰簋十簋曰乘每  
車乘有五簋則二十四斛也禾稟實并  
刈者也聘禮曰四乘曰筥十筥曰稷十  
稷曰秬每車三秬則三十稷也稷猶東  
也米禾之乘筥字同數異禾之乘手把  
耳筥讀為棟相之相謂一穢也皆陳橫  
陳門外者也米在門東禾在門西芻薪  
雖取數于禾薪從米芻從禾也乘禽乘  
行群處之禽謂雉鴈之屬於禮以雙為  
數殷中也中又致膳示念賓也若弗酌  
謂君有故不親饗食燕也不饗則以酬



幣致之，不食則以侑幣致之。凡介行人宰史，眾臣從賓者也。行人主禮，宰主具也。史主書，皆有所養。養餼尊其君，以及其臣也。以其爵等為之。牢禮之數，陳爵卿也。則殮二牢，養餼五牢，大夫也。則殮大牢，養餼三牢，士也。則殮少牢，養餼大牢也。此降小禮，豐大禮也。以命數，則參差難等。略於臣用爵而已。夫人致禮，助君養賓也。籩豆陳於戶東，壺陳于東序。凡夫人之禮，皆使下大夫致之。於子男，云膳視致饗。言夫人致膳于小國君，以致饗之禮。則是不復饗也。饗有壺酒，卿皆見者。見于賓也。既見之，又膳之，亦所以助君養賓也。卿見膳，此聘禮。卿大夫勞賓餼。

儀禮卷二十三

五九

賓之類與。於子男，云親見。卿皆膳，特牛見。讀如卿，皆見之。見言卿於小國之君，有不故造館見者，故造館見者，乃致膳。鄭司農說牽云：牲可牽行者也。故春秋傳：餼牽竭矣。耗讀為耗，秣答之耗。○飪而甚反，衰初危反。下同。差初佳反。又初宜反，倍音裴，行戶剛反。并必下以意推之。從子容反，稟古老反。并必政反。稷本又作總，子工反。又音搆，相音呂，齊才計反。參初林反，差初宜反。復扶又反。勞力報反，造七報反。秣徐音姊。○䟽曰：云上公五積，皆眠殮牽者。公國自相朝是。上公之禮，有五積。則二十五牢。言牽者數，雖殮五牢，五積則二十五牢。言牽者數，雖殮



眡殮，殮則殺，積全不殺，竝生致之，故云。眡一殮，則一積。積四牢，惣十六牢，亦牽不殺。子男三積，積亦眡殮，殮三牢，一積三牢，三積九牢，亦牽之，不殺也。必牽之，不殺者，以其在道分置，豫往，故不殺之也。既云眡殮，殮則有芻薪米禾之等，故鄭解積皆依殮解之也。云不殺，則無鈎鼎者，鈎鼎即陪鼎是也。但殺乃有鈎鼎，不殺則無鈎鼎。鄭云殺則無鈎鼎，可知。侯伯子男皆然。鄭云簋簠之實，以下皆約公食大夫解之。鄭云三問皆脩脩脯也。對文脩是鍛脩，加薑桂捶之者，脯乾肉薄者，散文脩脯一也。云著脫，字失處者，按下文凡介行人

宰史皆在饗食燕下，此特在上，或見下文。脫此語著于此，或於下著訖，此剩不去。故云然也。下文皆云凡介，此云群介，故誤耳。云殮小禮者，案聘賓大夫帥至館，卿致館，即云宰夫朝服設殮，是其客始至之禮。言小禮者，對饗餼為大禮也。云公侯伯子男殮皆鈎，一牢其餘牢則腥者，下惟言腥不言鈎，此有鈎及鼎皆為鈎一牢而言，以是經雖不言鈎，須言鈎之矣。云其餘牢則腥，腥之數備于下也。云食者庶羞之美，陳于楹外，東西不過四列者，前所陳皆約公食大夫致食之禮。今按公食若不親食，庶羞陳于碑內者，設殮之時，堂上皆有正饌，無容庶



羞之處，楹外既空，不須向碑內及堂下。故疑在楹外陳之，十以爲列，故四列也。公食陳于碑內者，由饗陳于楹外，故在下也。云簋盛稻粱，以下皆約公食及聘禮致饗，餼文裁之。云公四豆，堂上十豆，取聘禮致饗。餼於上，大夫八豆，下大夫六豆，並是堂上豆數。又取禮器，天子之豆二十有六，諸公十有六，諸侯十有二，謂侯伯子男同，則亦是堂上豆數。可知以此文，公言四十，侯伯三十二，子男二十四，其堂上豆數，既約聘禮與禮器東西多少，鄭以意差之，與此同也。云錒，羹器也者，錒器名，錒器所以盛臠臠，臠，三等之羹，故爲

儀禮卷二十三

六

錒羹云公錒四十二，侯伯二十八，子男十八，非衰差也者，衰差之法，上下節級，似若九若七若五，校一節是衰等。今公四十二，侯伯二十八，子男十八，公於侯伯子男大縣絕，故云非衰差也。云二十，八書或爲二十四，亦非也者，侯伯若二十四，爲比公四十二，校六，亦非其類，故云亦四比子男十八，校六，亦非其類，故云亦非也。云推其衰，公錒四十二，宜爲三十，八，益近之者，子男十八，侯伯二十八，公三十，八，以十爲降殺，則是等差，益近也。云公錒堂上十八，西夾東夾各十，侯伯堂上十二，西夾東夾各八，子男堂上十，西夾東夾各四，知如此差者，亦約聘禮。



致饗餼兼以意準量而言云鼎牲器也者謂亨牲體之器云簋黍稷器也者鼎十有二者饗一牢正鼎九與陪鼎三皆設于西階前者其陪鼎三設于內廉云簋十二者堂上八西夾東夾各二知設如此者約聘禮而知之也牢鼎九者謂牛羊豕魚腊膚與腸胃鮮魚鮮腊陪鼎三者脚臄臄也云合言鼎簋以牲與黍稷俱食之主者黍稷與衆饌為主牲與羞物為主是俱得為食之主也此五等諸侯同簋十二按聘禮致饗餼堂上八簋東西夾各六簋摠二十簋彼臣多此君少者禮有損之而益故也云牲當為腥聲之誤也腥謂腥鼎也於侯伯云腥

二十有七其故腥字者子男亦鼎牲十八是亦當為腥也云諸侯禮盛腥鼎有鮮魚鮮腊云：者此皆約聘禮設殮而言按彼飪一牢在西鼎九羞鼎三腥一牢在東鼎七致饗餼云腥二牢鼎二十七無鮮魚鮮腊設于阼階前西面陳如飪鼎二列此云三十六故知有鮮魚鮮腊也云殮門內之實備仍有車米等是以云亦有車米禾芻薪也云公殮五牢米二十車禾三十車已下皆約饗餼死牢而言以其饗餼云死牢如殮之陳上公五牢死侯伯四牢死子男二牢死皆如其殮之陳明此米禾數如此云芻薪皆倍其禾者亦約饗餼禮也若然按聘禮米



禾皆二十車者彼大夫禮豐小禮大夫  
殮二牢故米禾皆眠之米禾各二十車  
也云大者既兼殮積有生有腥有孰餘  
又多也者假令上公饗餼九牢<sub>五牢</sub>四牢  
牽上公五積皆眠殮牽則是一積五牢  
言兼殮死五牢與殮同若言兼積則正  
兼四而不能盡今乃言兼積者以其牽  
與積同故云兼之也侯伯子男皆兼積  
不盡言餘又多者謂米禾芻薪醢芻  
米之屬云牽生牢也陳于門西如積者  
亦橫陳于門西而東上云米橫陳于中  
庭十為列每筥半斛知然者前殮之陳  
及積之陳皆約聘禮致饗餼法今于此  
文積在前已說故以此饗餼向前如之

儀禮卷二十三

三

故云如積也言如積則亦如聘禮饗餼  
也今此自米已下還約聘禮致饗餼法  
云公侯伯子男黍梁稻皆二行公稷六  
行侯伯稷四行子男黍梁稻皆二行  
百筥筥半斛設于中庭十以為列北上  
黍梁稻皆二行稷四行此以增稷餘不  
增故知公稷六行子男米八筥黍梁稻  
各二行夏得二即足故知稷二行云醢  
醢夾碑從陳亦十為列醢在碑東醢在  
碑西者彼注云夾碑在庭之中央也醢  
在東醢穀陽也醢肉陰也言夾碑故知  
從陳然侯伯醢醢百筥米百筥上介筥  
及壘如上賓士介四人米百筥比數多  
于子男與侯伯等者上公醢醢百二十



饗與王舉百二十饗同故鄭注云此公  
乃二王後如是王之上下公與侯伯俱同  
百饗子男八十饗其筭米皆同饗數此  
是尊卑之差至於聘禮乃是臣法自為  
一禮不相與亦是損之而益言車衍字  
者言車載米之車不合在醢醢下言之  
又按侯伯子男醢醢下皆無車字故知  
衍字也謂一齊也者齊即詩云此有不  
飲穡穡即鋪也云於禮以雙為數者即  
此九十五十及士中日則二雙皆以雙  
為數是也云若弗酌以下皆約聘禮文  
不言致燕者饗食在廟燕在寢禮惟言  
致饗食者以合在廟嚴凝之事不親即  
須致之燕禮喪不親酌蓋不致也云凡

儀禮卷二十三

六四

介行人鄭云行人主禮宰主具史主書  
者案王制云太史典禮執簡記太史職  
亦云執其禮事與此史主書行人主禮  
違者太史在國則專主書故曲禮云史  
載筆士載言此云史止謂太史之屬官  
以其有爵等故知也云行人主禮者主  
賓客之禮大行人之類是也按聘禮云  
史讀書宰執書告備具于君又掌饌具  
故公食大夫云宰夫具饌于房是掌具  
也云爵卿也則殮二宰饗餼五牢已下  
皆約聘禮賓之卿上介之大夫士介四  
人歸饗餼降殺而言也云此降小禮豐  
大禮也者小禮謂殮殮則去君遠矣并  
乘禽之等皆是小禮也



按疏云亦者亦大夫也誤以上無大夫行禮于賓之事何大夫之可亦上注于夫人致禮云助君養賓也後

五牢子男卿與君等是豐大禮也云以命數則參差難等畧於臣用爵而已者依命公侯伯卿三命大夫再命士一命子男卿再命大夫一命士不命并有命國孤一人四命是從孤已下通一命不命有五等若以此命數五等為之則參差難可等級畧於臣用爵而已爵則有三等易為等級也言畧於臣用爵則君不依爵而用命即諸侯爵五等命惟三等大行人掌客皆依命是也云夫人致禮以下見聘禮致饗饋下大夫華弁歸禮堂上籩豆設于戶東東上亦以並東陳注設于戶東辟饌位壺設於東序北上南陳醢黍清皆兩壺約此故知之也

儀禮卷二十三

五

若然不使卿者按內宰云致后之賓客之禮注謂諸侯朝覲及女賓之賓客內宰是下大夫王后尚使下大夫况諸侯夫人乎故知使下大夫也云於子男云膳視致饗至饗有壺酒者公侯伯夫人致禮則云八壺八豆八籩與膳大牢致饗大牢三者各別於子男夫人則云膳視致饗鄭云饗有壺酒則致膳無酒矣故云饗有酒若然子男夫人於諸侯惟有二禮以聘禮夫人於聘大夫直有籩豆壺又不致饗是其差也云卿皆見至亦所以助君養賓言亦者亦大夫也云卿既見又膳此聘禮大夫勞賓饋賓之類與者按聘禮畢賓即館卿大夫勞賓



于卿皆見云既見之又膳之亦所以助君養賓也則此所云亦者上文夫入致禮來也疏說大夫字恐誤

瑞大戴每處俱但瑞  
義今大戴記作貳

賓不見大夫奠鴈再拜上介受注云不言卿卿與大夫同執鴈下見於國君周禮凡諸侯之卿見朝君皆執羔勞上介亦如之此朝君有膳無勞餼聘客有勞餼無膳明此事相當故云勞賓餼賓之類與云於乎男云親見卿皆膳特牛見讀如卿皆見之見者上公侯伯直云卿皆見以羔於子男即云親見卿作文有異此言親見卿似朝君親自來見卿有此嫌故讀從上文卿皆見以兼之明此見亦是卿見朝君三卿之內有見者有不見者若故造館見則致膳若不故造館見則不致膳也云  
儀禮卷二十三  
六

記

諸侯相朝義第四十二 邦國禮五之下

諸侯相朝之禮各執其圭瑞服其服乘其輅建其旌旂施其樊纓從其義車委積之以其牢禮之數所以別義也介紹



而相見君子於其所尊不敢質敬之至也君使大夫迎于境卿勞于道君親郊勞致館及將幣拜迎于大門外而廟受北面拜賦所以致敬也三讓而後升所以致尊讓也敬讓也者君子之所相接也諸侯相接以敬讓則不相侵陵也此天子之所以養諸侯兵不用而諸侯自

儀禮卷二十三

七

為正之具也君親致饗既還圭饗會致贈郊送所以相與習禮樂也諸侯相與習禮樂則德行修而不流也故天子制之諸侯務焉

大戴禮記

按自此以首是為經傳通義所謂朱子之所親定是為絕筆之書惟書數一篇缺而大射禮聘禮公會大夫禮諸侯相朝禮八篇則猶未脫草也









